

1 profesor de ensino secundario de inglés.
 1 profesor de ensino secundario de matemáticas.
 1 profesor de ensino secundario de física e química.
 1 profesor de ensino secundario de bioloxía e xeoloxía.
 1 profesor de ensino secundario de debuxo.
 1 profesor de ensino secundario de tecnoloxía.
 1 profesor de ensino secundario de psicoloxía e pedagogía.

CIFP Compostela. Santiago de Compostela.

2 profesores de ensino secundario de inglés.
 1 profesor de ensino secundario de francés.
 1 profesor de ensino secundario de psicoloxía e pedagogía.

CIFP A Farixa. Ourense.

1 profesor de ensino secundario de filosofía.
 1 profesor de ensino secundario de lingua castelá e literatura.
 1 profesor de ensino secundario de lingua e literatura galega.
 1 profesor de ensino secundario de inglés.
 1 profesor de ensino secundario de francés.
 1 profesor de ensino secundario de xeografía e historia.
 1 profesor de ensino secundario de matemáticas.
 1 profesor de ensino secundario de física e química.
 1 profesor de ensino secundario de bioloxía e xeoloxía.
 1 profesor de ensino secundario de debuxo.
 1 profesor de ensino secundario de tecnoloxía.
 1 profesor de ensino secundario de psicoloxía e pedagogía.

CIPF Valentín Paz Andrade. Vigo

1 profesor de ensino secundario de filosofía.
 1 profesor de ensino secundario de latín.
 1 profesor de ensino secundario de lingua castelá e literatura.
 1 profesor de ensino secundario de xeografía e historia.
 1 profesor de ensino secundario de matemáticas.
 1 profesor de ensino secundario de física e química.
 1 profesor de ensino secundario de bioloxía e xeoloxía.
 1 profesor de ensino secundario de debuxo.
 1 profesor de ensino secundario de francés.
 1 profesor de ensino secundario de inglés.
 1 profesor de ensino secundario de psicoloxía e pedagogía.
 1 profesor de ensino secundario de tecnoloxía.
 1 profesor de ensino secundario de lingua galega e literatura.
 1 profesor de ensino secundario de economía.

ANEXO VI

IES Elviña. A Coruña

1 profesor de ensino secundario de francés.
 1 profesor de ensino secundario de psicoloxía e pedagogía.

2 profesores de ensino secundario da especialidade de lingua castelá e literatura.
 2 profesores de ensino secundario da especialidade de xeografía e historia.
 1 inglés.
 1 lingua e literatura galega.

IES Ramón Menéndez Pidal. A Coruña

1 profesor de ensino secundario de debuxo.
 1 profesor de ensino secundario de latín.
 1 profesor de ensino secundario matemáticas

IES Concepción Arenal. Ferrol

1 profesor de ensino secundario de xeografía e historia.
 1 profesor de ensino secundario de matemáticas.
 1 profesor de ensino secundario de física e química.

IES Eduardo Pondal. Santiago.

1 mestre de pedagogía terapéutica.
 1 mestre de matemáticas.
 1 mestre de ciencias sociais.
 1 profesor de ensino secundario de tecnoloxía.
 1 profesor de ensino secundario de psicoloxía e pedagogía.

IES Universidade Laboral. Ourense

1 profesor de ensino secundario de lingua e literatura galega.

Resolución do 11 de setembro de 2006, da Dirección Xeral de Ordenación e Innovación Educativa, pola que se establece o calendario para a celebración de eleccións de membros dos consellos escolares de centros docentes sostidos con fondos públicos.

No punto 6º do artigo 126 da Lei orgánica 2/2006, do 3 de maio, de educación (LOE) establécese que corresponde ás administracións educativas determinar o número total de membros do Consello Escolar e regular o proceso de elección, polo que, ao abeiro do establecido na disposición transitoria décimo primeira da LOE, dado que o devandito artigo remite a posteriores disposicións regulamentarias que aínda non foron ditadas, son de aplicación as normas dese rango que o viñan sendo á data de entrada en vigor da LOE, sempre que non se opoñan ao disposto nela.

No Decreto 92/1988, do 28 de abril, polo que se regulan os órganos de goberno dos centros públicos de ensino non universitario, modificado polo Decreto 279/1990, do 27 de abril, establécese, no seu artigo 29, que o procedemento de elección dos membros do consello escolar dos centros públicos se desenvolverá no primeiro trimestre do curso académico que corresponda e dentro do período lectivo, e que a data de celebración das eleccións será fixada, cun mes de antelación, pola Consellería de Educación e Ordenación Universitaria.

Nos artigos 49 do Regulamento orgánico das escolas de educación infantil e dos colexios de educación primaria e do Regulamento orgánico dos institutos de educación secundaria, aprobados polos decretos 374/1996, do 17 de outubro, e 324/1996, do 26 de xullo, respectivamente, e no artigo 11 do Regulamento orgánico dos centros públicos integrados de ensinanza non universitarias, aprobado polo Decreto 7/1999, do 7 de xaneiro, establécese que a elección do consello escolar e a súa constitución nos centros de nova creación se efectuará no mes de outubro, e que a primeira renovación do consello escolar se producirá ao cabo dun ano ou dous de maneira que coincida coa renovación do resto dos consellos escolares no ámbito da comunidade autónoma.

Na Orde do 21 de outubro de 1996, pola que se determinan aspectos para a elección dos membros do consello escolar nos centros docentes non universitarios sostidos con fondos públicos, establécese o procedemento de integración no consello escolar dos profesores, dos alumnos e dos pais dos alumnos do primeiro ciclo da educación secundaria obrigatoria que cursen estudos nun centro de primaria, e determínase a composición dos consellos escolares dos institutos de educación secundaria con menos de oito unidades.

No artigo 1 da Orde do 28 de agosto de 1996 pola que se regula o procedemento de elección dos órganos de goberno dos centros privados concertados, establécese que o dito procedemento se realizará de acordo co regulamentado nesa orde e que nos aspectos non previstos nela haberá que aterse ao establecido para os centros públicos no Decreto 92/1988, do 28 de abril, modificado polo Decreto 324/1996, do 26 de xullo.

Por corresponderlle no curso 2006-2007 a renovación dos consellos escolares dos centros docentes sostidos con fondos públicos, esta dirección xeral, en uso da autorización que figura na disposición derradeira primeira do Decreto 92/1988, do 28 de abril,

RESOLVE:

Artigo 1º

O obxecto desta disposición é fixar as datas para a elección dos representantes dos distintos sectores da comunidade educativa no consello escolar dos centros docentes sostidos con fondos públicos, así como ditar instrucións para o seu desenvolvemento.

Artigo 2º

1. As eleccións dos representantes dos distintos sectores da comunidade educativa no consello escolar celebraranse entre os días 24 e 30 de novembro de 2006, ambos os dous incluídos. Non obstante, co fin de fomentar a participación de todos os sectores implicados, é desexable que, dentro das posibilidades de cada centro, a xunta electoral fixe unha única data para as votacións correspondentes.

2. A xunta electoral regulada no artigo 30 do Decreto 92/1988, do 28 de abril, segundo a redacción dada polo Decreto 324/1996, do 26 de xullo, polo que se aproba o Regulamento orgánico dos institutos de educación secundaria, constituirase entre os días 2 e 7 de novembro de 2006, ambos os dous incluídos.

3. De conformidade co establecido no artigo 31 b) do Decreto 92/1988, do 28 de abril, é competencia da xunta electoral concretar o calendario electoral. As xuntas electorais terán presente, en todo caso, que o prazo de admisión de candidatos non deberá ser inferior a sete días naturais.

Artigo 3º

Os centros que comezaron o seu funcionamento no curso 2005-2006 levarán a cabo a primeira renovación do consello escolar prevista nos artigos 49 dos regulamentos aprobados polos decretos 374/1996 e 324/1996, no artigo 11 do regulamento aprobado polo Decreto 7/1999, e no punto 12 da Orde do 28 de agosto de 1996 pola que se regula o procedemento de elección dos órganos de goberno dos centros privados concertados, de acordo co calendario xeral previsto no artigo 2º desta resolución.

Artigo 4º

Para determinar os membros do consello escolar que deben ser renovados nos centros regulados polos decretos 374/1996 e 324/1996 terase en conta o establecido no punto 1 da disposición adicional terceira do Decreto 7/1999, do 7 de xaneiro, polo que se implantan e regulan os centros públicos integrados de ensinanza non universitarias, que modifica o artigo 40 do Regulamento orgánico dos institutos de educación secundaria e o artigo 41 do Regulamento orgánico das escolas de educación infantil e dos colexios de educación primaria.

Artigo 5º

1. As eleccións para a primeira constitución do consello escolar nos centros que iniciaron o seu funcionamento no curso 2006-2007 celebraranse entre os días 25 e 31 de outubro de 2006, ambos os dous incluídos. Non obstante, co fin de fomentar a participación de todos os sectores implicados, é desexable que, dentro das posibilidades de cada centro, a xunta electoral fixe unha única data para as votacións correspondentes:

a) Para os centros de educación infantil, primaria e secundaria, de acordo coa orde desta consellería do 21 de outubro de 1996 (DOG do 22 de outubro).

b) Para os centros públicos integrados, no artigo 11 do Decreto 7/1999, do 7 de xaneiro (DOG do 26 de xaneiro).

c) Para os centros públicos de ensino non universitario de características singulares, de educación especial e de educación de adultos, na orde desta consellería do 29 de outubro de 1996 (DOG do 4 de novembro), corrección de erros no DOG do 15 de novembro de 1996.

d) Para os centros privados concertados, na orde desta consellería do 28 de agosto de 1996 (DOG do 26 de setembro).

2. Nos centros aos que se refire o punto anterior, a xunta electoral regulada no artigo 30 do Decreto 92/1988, do 28 de abril, constituirase entre os días 2 e 5 de outubro de 2006, ambos os dous incluídos.

Artigo 6º

Os centros en cada renovación parcial modificarán o número de membros do consello escolar en función do número de unidades que teñan nese momento.

Artigo 7º

Aos membros integrantes da xunta electoral, das mesas electorais e aos electores que necesiten permiso laboral para o desempeño das súas obrigas seralles de aplicación o artigo 70.2º da Lei 4/1988, do 26 de maio (DOG do 1 de xuño), da función pública de Galicia. Non obstante, o día ou os días en que se celebren as eleccións de representantes dos distintos sectores da comunidade educativa non poderán ser declarados non lectivos.

Artigo 8º

1. A acta do escrutinio da votación de cada mesa electoral, á que se refire o artigo 50 do Decreto 92/1988, do 28 de abril, farase segundo o modelo que se publica como anexo I a esta resolución.

2. De conformidade co establecido no artigo 51 do Decreto 92/1988, do 28 de abril, o director do centro, como presidente da xunta electoral, unha vez proclamados os candidatos elixidos, dará traslado das copias das actas de cada mesa electoral ao delegado provincial da Consellería de Educación e Ordenación Universitaria.

3. Logo da constitución do Consello Escolar, á que se refire o artigo 52 do Decreto 92/1988, do 28 de abril, o director do centro remitiralle ao delegado provincial, antes do 20 de decembro de 2006, o formulario que se publica como anexo II a esta resolución.

Artigo 9º

Esta resolución entrará en vigor o mesmo día da súa publicación no *Diario Oficial de Galicia*.

Santiago de Compostela, 11 de setembro de 2006.

María José Pérez Mariño
Directora xeral de Ordenación e
Innovación Educativa

ANEXO I

ELECCIÓNS AO CONSELLO ESCOLAR CERTIFICACIÓN DO ESCRUTINIO

Os que subscriben, membros da Mesa Electoral correspondente á elección dos representantes (1) _____ no Consello Escolar do Centro _____, CERTIFICAN: que a votación celebrada no día da data para a elección dos devanditos representantes ofrece os seguintes resultados:

	Datos en letras	Datos en cifras
Electores:	_____	_____
Votantes:	_____	_____
Papeletas nulas:	_____	_____
Papeletas en branco:	_____	_____
CANDIDATOS ELIXIDOS		VOTOS OBTIDOS
_____	_____	_____
_____	_____	_____
_____	_____	_____
CANDIDATOS NON ELIXIDOS		
_____	_____	_____
_____	_____	_____
_____	_____	_____

Se é o caso, os empates foron resolto de acordo co establecido no artigo 50 do Decreto 92/1988, do 28 de abril (DOG do 29) polo que se regulan os órganos de goberno dos centros públicos de ensino non universitario, segundo a redacción dada polo Decreto 324/1996, do 26 de xullo (DOG do 9-8-1996), polo que se aproba o Regulamento orgánico dos institutos de educación secundaria.

E para que conste, asinamos a presente Acta en _____, ás _____ horas do _____ de _____ de 20____.
Vº e prace,
O/A Presidente/a _____ O/a secretario/a _____ O/a vogal _____

Asdo.: _____ Asdo.: _____ Asdo.: _____

(1) Indicar, no seu caso, dos profesores, dos pais, dos alumnos ou do persoal de Administración e Servizos.

ANEXO II

INFORME DE SEGUIMENTO DO PROCESO DE CONSTITUCIÓN DO CONSELLO ESCOLAR*

A.- DATOS DO CENTRO:

DENOMINACIÓN:		LOCALIDADE E CONCELLO:	
TITULARIDADE:	PÚBLICA <input type="checkbox"/> PRIVADA <input type="checkbox"/>	Número total de unidades/grupos..... <input type="text"/>	

B.- RESUME DO RESULTADO DAS VOTACIÓNS:

NÚMERO DE ELECTORES CENSADOS POR CADA SECTOR				RESULTADOS POR CADA SECTOR											
PROFESORES	PAIS	ALUMNOS	ADMÓN. E SERVIZOS	PROFESORES			PAIS			ALUMNOS			PERSONAL DE ADMINISTRACIÓN E SERVIZOS		
				VACANTES	CANDIDATOS	VOTANTES	VACANTES	CANDIDATOS	VOTANTES	VACANTES	CANDIDATOS	VOTANTES	VACANTES	CANDIDATOS	VOTANTES

C.- COMPOSICIÓN DO CONSELLO ESCOLAR DO CENTRO:

	PROFESORES	PAIS	ALUMNOS	PERSONAL DE ADMÓN. E SERVIZOS	REP. DO CONCELLO	REP. DAS EMPRESAS
Composición legal do Consello Escolar, segundo se recolle no Decreto 374/1996, Decreto 324/1996, Decreto 7/1999, Orde do 28/8/1996, Orde do 29/10/1996.						
Composición real do Consello Escolar constituído despois do proceso que se regula na Resolución da Dirección Xeral de Ordenación e Innovación Educativa do 11/09/2006.						

D.- NO CASO DE NON CONSTITUIRSE O CONSELLO ESCOLAR, SINALE AS CAUSAS:

--

Vº e prace
O/a director/a

Asdo.: _____

_____ de _____ de 2006
O/a Secretario/a

Asdo.: _____

* Remitir á Delegación Provincial da Consellería de Educación e Ordenación Universitaria (Servizo Provincial de Inspección Educativa) antes do día 20 de decembro de 2006.

Resolución do 12 de setembro de 2006, da Dirección Xeral de Ordenación e Innovación Educativa, pola que se establecen as datas de elección dos membros das xuntas provinciais e autonómica de directores de centros de ensino non universitario.

A Orde do 10 de decembro de 1997 (DOG do 18 de decembro) creou e regulou as xuntas provinciais de directores de centros de ensino non universitario.

A Orde do 11 de novembro de 1999 (DOG do 10 de decembro) creou e regulou a Xunta Autonómica de Directores de Centros de Ensino non Universitario e modificou a devandita Orde do 10 de decembro de 1997.

A Resolución do 4 de febreiro de 1998 (DOG do 18 de febreiro), da Dirección Xeral de Centros e Inspección Educativa, pola que se establece o procedemento de elección, constitución, renovación e substitución dos membros das xuntas provinciais de directores de centros de ensino non universitario, recolle no seu artigo 1º que a elección dos directores que formarán parte das citadas xuntas provinciais se efectuará nas datas fixadas pola Consellería de Educación e Ordenación Universitaria coincidindo coa renovación dos consellos escolares no ámbito da Comunidade Autónoma de Galicia.

A Resolución do 17 de novembro de 2000 (DOG do 28 de novembro), conxunta da Secretaría Xeral e da Dirección Xeral de Centros e Inspección Educativa, pola que se establece o procedemento de elección, constitución, renovación e substitución dos membros da Xunta Autonómica de Directores de Centros de Ensino non Universitario, recolle no seu artigo 1 que a elección dos directores que formarán parte da Xunta Autonómica de Directores de Centros de Ensino non Universitario se efectuará a continuación do proceso de renovación das xuntas provinciais de directores, nas datas fixadas pola Consellería de Educación e Ordenación Universitaria.

A Resolución do 25 de setembro de 2002, da Dirección Xeral de Centros e Inspección Educativa, pola que se establecen as datas de elección dos membros das xuntas provinciais e autonómica de directores de centros de ensino non universitario modificou, na súa disposición adicional única, o parágrafo 3º do artigo 4 da antedita Resolución do 4 de febreiro de 1998, da Dirección Xeral de Centros e Inspección Educativa, pola que se establece o procedemento de elección, constitución, renovación e substitución dos membros das xuntas provinciais de directores de centros de ensino non universitario.

Por corresponderlle no curso 2006-2007 a renovación dos consellos escolares dos centros docentes